



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	29 MARCH 2017



MOHAMED NAZRI AZIZ



TUN MAHATHIR MOHAMAD

Debat Nazri-Dr. Mahathir buang masa? *um- 29/3/2017*

ANALISIS



Oleh **ZULKIFLI JALIL**
pengarang@utusan.com.my

SEBELUM debat pun sudah kata mengata. Inikan pula nanti apabila berlangsung 7 April depan di Shah Alam.

Tun Dr. Mahathir Mohamad mengata Datuk Seri Nazri Aziz 'macam orang bisu duduk diam-diam di sebelah saya' dalam pertemuan setengah jam di tepi Sungai Perak di Lembah Kuala Kangsar baru-baru ini.

Nazri pula ada hujahnya kenapa berperilaku sedemikian.

Tidak ketahuan apa yang ada dalam pemikiran Nazri sehingga teruja mahu berdebat dengan Dr. Mahathir dalam isu dakwaan 1MDB. Sedangkan isu itu sudah diperjelaskan oleh kerajaan.

Adakah Nazri orang yang ada kredibiliti dan pengetahuan untuk bercakap isu itu? Apatah lagi isu 1MDB dan Bumiputera Malaysia Finance (BMF) sudah diketahui umum.

Ada menyatakan debat Nazri-Dr. Mahathir adalah peribadi dan tidak mewakili kerajaan. Jadi debat ini untuk apa? Relevankah?

Dalam mana-mana perdebatan, prinsipnya adalah logos, etos dan pathos - teori ahli falsafah Yunani, Aristotle. Logos bermaksud pendebat itu akan tampil dengan segala dalil, fakta dan hujahnya untuk 'membuktikan' sesuatu dakwaan. Ini sehinggalah khalayak 'terlihat, terdengar

Adakah kesediaan Nazri untuk masuk gelanggang Dr. Mahathir umpama satu 'perangkap' Pakatan Harapan yang diketuai DAP?"

dan terasa logik' di benak fikiran mereka.

Etos pula berkaitan kewibawaan dan kredibiliti pendebat berserta ilmu dan pengetahuannya dalam isu terbabit.

Pathos (emosi) pula tentang bagaimana pendebat akan menggunakan segala omongan mereka dengan melontarkan contoh untuk meyakinkan khalayak, yang kemudian akan mencari lebih terperinci hal-hal semacam ini.

Walaupun secara prinsipnya orang ramai suka debat, namun sejauh mana mereka yang mendengar dan memerhati, boleh menerima hujah yang disampaikan secara rasional?

Adakah kesediaan Nazri untuk masuk gelanggang Dr. Mahathir umpama satu 'perangkap' Pakatan Harapan yang diketuai DAP. Ini sekali gus menjadikan isu dakwaan 1MDB semakin bercelaru, tambah keliru.

Suatu ketika Datuk Seri Ahmad Shabery Cheek berdebat dengan Datuk Seri Anwar Ibrahim.

Bagaimanapun debat keduanya masih dipersoalkan relevannya. Dan sesiapa pun tahu siapa 'pemenang'nya.